

摘藻堂四庫全書薈要

集部

欽定四庫全書薈要

集部

聖祖仁皇帝御製文集卷三十四

二至

詳校官原任編修臣徐立綱



欽定四庫全書薈要

聖祖仁皇帝御製文集卷三十二目錄

古今詩體三十九首

駐蹕南苑遣使恭進

太后鮮果

南苑元靈宮是

世祖皇考建

南苑行圍

德壽寺

南苑晚景

瀛臺偶作

咏水禽

雨

臨城望

夏日有懷

內苑

立秋前一日晚同左右閒坐進鮮果

秋蘭

並序

初秋幸西苑觀荷命小舟採蓮

臨池觀魚有懷

夜至三鼓坐待議政大臣奏事有感而作

七夕

沙河途中作

清河荒亭

初秋景山

題日精門古硯

待曉

賜奉命大將軍傑淑二首

秋日咏刀

海子北紅門秋雨後行園戲作

晾鷹臺

南苑閱馬

中秋望月

賜輔國將軍俄啟詩

並序

秋日晚景有懷

大將軍報吳逆暴死其下賊衆潰散無餘大兵

指日進取恢復封疆

康熙十七年九月初十日奉

太皇太后臨御溫泉恭紀五言排律八韻

駐蹕平家灘

潞河曉起至

太皇太后行殿問安

見雁南飛

駐蹕薊州城南遠眺山村

山中獲野禽恭進

太皇太后

曉起山路口號

欽定四庫全書薈要卷一萬三千十四集部

聖祖仁皇帝御製文集卷三十二

古今體詩三十九首

駐蹕南苑遣使恭進

太皇太后鮮果

日永離宮節候新
薰風早已獻嘉珍
赤瑛盤內甘鮮果
奉進瑤池第一人

南苑元靈宮是

世祖皇考建

傑閣橫霄峻清都與漢翔規模開壯麗星宿燦輝光碧
瓦浮空翠金鋪映日黃門當啼鳥靜戶有異花香細草
沿階發新槐拂檻涼紆迴疏輦路藻彩繪雕梁警蹕臨
仙境瞻依問谷王敬欽崇太昊繼述憶

先皇歲月碑文古乾坤事業昌茫茫扶大造皞皞體穹
蒼恭己身無倦齋心念不忘時巡非逸豫幾暇豈遊荒
衛騎驂驪列華旄宛轉颺南薰披萬物北斗起千祥瑞

氣庭前見佳辰
晝正長休歌白雲
曲吾道在惟康

南苑行圍

苑中間教陣無事
靜論邊不廢時苗
典思周天下先
德壽寺

持身崇孝理清淨
契真如歲久開金
寺時來降玉輿
內苑晚景

薰風南苑翠旂回
處處連雲暮色催
夜火輝煌盈帳幕
離宮長待萬幾來

瀛臺偶作

蟬鳴槐葉綠魚躍芰荷風太液臨斜景參差更不同

咏水禽

水禽遙泛雪池卉迴披紅桐葉翩翩舞迎薰景未窮

雨

稼穡憂勤在建章油雲灑落滿巖廊凭牕喜雨雨方足
五穀秋成樂萬方

臨城望

城高千仞衛山川虎踞龍盤王氣全車馬遙看雲霧裏
民間休戚在當前

夏日有懷

木槿花開夏日長時搖清扇倚方牀三庚不輟臨朝政
盛暑常思守戰場

內苑

晚涼內苑看槐花依檻臨池日欲斜龍戲清潭娛夏景
片雲生處足桑麻

立秋前一日晚同左右閒坐進鮮果

初到金風天氣晚微涼
雨後畫簾垂九重迥出白雲遠
三殿高臨北斗移珍果滿盤新獻節
碧梧一葉報秋時
漏深不寐題詩句月色輝煌照鳳墀

秋蘭

并序

殿前盆卉芳蘭獨香昔人稱為王者香又以方之君子因題四韻

猗猗秋蘭色布葉何蔥青愛此王者香著花秀中庭幽

芬散綳帙靜影依疎櫺
豈必九畹多侈彼離騷經

初秋幸西苑觀荷命小船採蓮

命駕臨西苑初秋向晚天
芰荷池沼滿鷗鷺夕陽邊
頻使移輕舫時來獻採蓮
離宮闌檻外風動碧翩翩

臨池觀魚有懷

臨池魚躍白雲連太液東邊問小船
一色水天明似鏡風波銷滅在何年

夜至三鼓坐待議政大臣奏事有感而作

午夜迢迢刻漏長
每思戰士幾迴腸
海東波浪何年靖
日望軍書奏凱章

七夕

爽氣三秋早
仙期此夕經
針樓連萬戶
機石動雙星
玉露交珠綴
金風度綺牋
天文在雲漢
流影照彤庭

沙河途中作

輝煌明輦道
將曉漏聲殘
秋月西山落
金風北野寒
望陵悲樹色
就景盼雲端
每念芳華日
溥溥露未乾

清河荒亭

楸葉晚蟬鳴荒亭蟋蟀聲露凝新樹色日出蒲林明蛺蝶從枝舞蜻蜓點水輕欲看秋景好歸路且徐行

初秋景山

新涼樹色向金天御輦遙停蔓草邊盛暑已過銷夏日清風纔到有秋年高臨三殿九重濶下看千家萬戶連薄暮山亭觀射畢回宮複道起蒼煙

題日精門古硯

古硯何年斲雲箋寫御章宮門秋雨濕內殿晚風涼夕
景鑪煙動晴光燭影長文房友筆墨灑翰起龍翔

待曉

閭闔餘殘暑夕籟鳴高秋曖曖月始出泠泠露初浮遠
色淡河漢新涼灑裊裊夜氣倍澄寂庭宇彌清幽眷言
希古則羲軒詎可儔不寐定天保昧爽思旁求往軫雖
緬邈來途非阻脩低徊待申旦治理今何由

賜奉命大將軍傑叔二首

卷旆生風壯氣揚
早持龍節定炎方
秋毫無犯民心悅
盡掃欃槍奏凱章

其二

旄鉞纔臨父老迎
樓船一舉海波清
金甌已定千年業
銅柱須標萬古名

秋日咏刀

七寶刀光耀斗牛
建章佩帶向初秋
清流越砥方知力
截兕剝鯨斷不愁

海子北紅門秋雨後行圍戲作

畫漏稀聞紫陌長
霏霏細雨過南莊
雲飛御苑秋花濕
風到紅門野草香
玉輦遙臨平甸闊
羽旗近傍遠林揚
初晴少頃布圍獵
好趁清涼躍驕驄

晾鷹臺

清晨漫上晾鷹臺
八駿齊登萬馬催
遙望九重雲霧裏
羣臣就景獻詩來

南苑閱馬

渥洼龍種雪霜同毛骨天生氣格雄八駿齊觀南苑裏
豈誇當日玉花驄

中秋望月

坐望中秋月正圓玲瓏丹桂植當天無私普照八荒外
皎潔清光雲漢邊

賜輔國將軍俄啟詩并序

內大臣輔國將軍俄啟侍從帷幄勤勞茂著百步穿
楊發矢如電因賜御章以旌其射

觀德由來上古風手持滿月綠沈弓鷹揚虎視流星遠
中鵠穿楊為世雄

秋日晚景有懷

寒鴉秋景集南林遙倚屏山綺樹陰丹闕遠砧鳴午夜
玉壺清漏起遐心衷情靜裏無人識外象閒中有物尋
憶想千般聞落葉且須持筆漫微吟

大將軍報吳逆暴死其下賊衆潰散無餘大兵指
日進取恢復封疆

遙天今日捷書來，萬里歡聲動地開。
從此黎民皆樂業，軍威應振凱歌迴。

康熙十七年九月初十日奉

太皇太后臨御溫泉恭紀五言排律八韻

慈寧方曉日，掖輦幸溫泉。
羽騎清塵道，華旗衛御前。
九重雙闕迥，三輔萬家連。
蔥鬱東臯樹，蒼茫北嶺煙。
問安頻色喜，侍膳每心懸。
孝養尊

親重時巡法

祖虔村村施化溥處處得恩先
更慮民情隱深慚撫八
埏

駐蹕平家灘

鑾輿駐蹕近滄浪行殿崔嵬對夕陽
郊外村莊時極目
秋成處處有風光

潞河曉起至

太皇太后行殿問安

曉色方明在潞河孤山遠影鬱嵯峨

孤山在潞河之東

寢門恭

問

慈顏喜還愧無能作賦歌

見雁南飛

歸雁南飛有數行
南飛度嶺向衡陽
欲將信息傳軍士
早報成功返故鄉

駐蹕薊州城南遠眺山村

萬騎驂驪擁薊城
風行雷出遠天清
微霜細草野狐懼
寒露荒烟山鳥鳴
捲幔浮涼侵帳殿
倚牀明月似都京

欣隨

聖母遊情曠深夜還思勉悵誠

山中獲野禽恭進

太皇太后

吹笳清蹕道大地雜旌旂萬壑來秋色千巖散落暉鷹
隨山雉遠箭帶野禽歸遣使呈鮮味須令馬迅飛

曉起山路口號

荒屋山中月色闌秋高邊塞正風寒羊腸石道臨泉水

已靜人聲足曠觀

聖祖仁皇帝御製文集卷三十二

欽定四庫全書薈要

聖祖仁皇帝御製文集卷三十三目錄

古今體詩三十六首

恭謁

孝陵

太皇太后駕到溫泉

雨後經明總兵戚繼光所作八角石亭

清晨入盤山二首

古中盤望蓮花峰

盤山絕頂三首

晚過李靖菴二首

星出歸營

奉侍

太皇太后臨御溫泉因孟冬享

廟暫回京

夜半覽本

山中曉色

由鮎魚池出關咏瀑布水

登景忠山

灤河

冬至回京齋戒夜坐

登邊城作

溫泉行

溫泉流杯戲作

南苑橋上大風

雪

景山積雪侍衛下趨如飛

元旦

慈寧宮行禮

春

上元幸萬善殿戲作

收復岳州作

并序

恭上

太皇太后萬壽詩二首

賜大將軍安親王岳樂二首

賜護軍統領桑格

春夜月

題周文矩畫說劍圖

欽定四庫全書薈要卷一萬三千十五

集部

聖祖仁皇帝御製文集卷三十三

古今體詩三十六首

恭謁

孝陵

玉殿寒松秘秋霜落樹枝緬懷文武業創立太平基
曉色星辰動晴光日月垂望陵愁不斷孝思起深悲

太皇太后駕到溫泉

溫谷神丹力不窮五雲暖溜繞行宮

聖躬喜得今康豫宇宙歡忻舊日同

雨後經明總兵戚繼光所作八角石亭

華清雨後問安回徐步山椒到水隈
秋木荒池今白草寒花故壘舊青苔
精靈銷散人何處功業留傳志未灰
為將當年堪拊髀亭開八角尚崔嵬

清晨入盤山二首

日出入盤山宸遊草木間村莊人盡望處處水潺潺

其二

當年乘輦到今日復來遊山水不同色泉聲還細流

古中盤望蓮花峰

中盤遙望蓮花峰日映山林氣色重老衲吟詩渾半偈
翠輿臨發又從容

盤山絕頂三首

上盤絕頂俯神京九月登山積翠晴荒寺日高人少至
野林煙靜鳥無聲道中勒馬觀風景澗下留鑾愛水清

縱目徘徊猶不盡氤氲縹緲海雲輕

其二

四顧清標高逼天風雲塞上歛寒煙遙觀沙漠宣威遠
近控州城作鎮懸紫蓋山中獨竒秀雙峰嶺外更綿聯
九秋朗耀幾千里落葉蕭條滿目前

其三

薄暮東峰來返照遊心怡曠動揮毫題詩數句林光晚
作賦初聯雁陣高盤道峻嶒難步躡危巖嵒窠恐身勞

欲歸帳殿還傳語引路山僧度遠臯

晚過李靖菴二首

兩崖石壁出秋雲野草寒林有鹿羣古剎斜陽人寂寂
香煙飄處雜紛紜

其二

蒼茫絕頂樹參差落日還營過竹籬念及凌煙留姓字
獨於古壁一題詩

星出歸營

皎皎星河路向西將歸玉帳渡山溪羽林扈從皆雄將
掃靖煙塵萬馬齊

奉侍

太皇太后臨御溫泉因孟冬享

廟暫回京

金風肅郊甸秋光瀾灝穹曉鐘出長樂羽衛臨新豐

重闈慶康悅遊豫溫泉宮鳴鑣玉輿側侍蹕清塵中晨

夕奉

慈顏婉愉承歡衷原野陪登覽瑞靄光熊應鐘忽屆
節霜露霏空濛夙興感時序

廟祀宜欽崇饗獻薦圭璧對越必微躬暫辭瓊島月還
御瑤池驄殿闕欣在望齋祓明禋通眷言整星駕依戀
心靡窮

夜半覽本

初冬夜靜正三更宵旰清心勉勵精自愧事繁機不敏
細披章奏察民情

山中曉色

星漢參差曉色開
高峰初日射莓苔
間來駐蹕山村靜
坐愛明霞入酒杯

由鮎魚池出關咏瀑布水

巉巖瀑布挂前川
樹冷煙寒幕碧天
關外黎民風俗厚
涵濡威德已多年

登景忠山

景忠遠上日方開
巖壑層層生早寒
嶺腹凍雲凝玉仗

山中瑞氣接仙鑾鳴鐘澗裏經聲近擊鼓樓前樹影殘
繚繞旌旗紫石道六龍行處萬民觀

灤河

寒邊遠繞至灤河徹底清明不見波駐輦徘徊千萬里
石鯨兩岸影嵯峨

冬至回京齋戒夜坐

一陽初發便知天暫別

慈顏日日懸午夜齋明湛心志夢中猶自侍溫泉

登邊城作

冬月荒山落日斜
岩荒野景幾千家
邊城戍色雲煙靜
綠水清河走白沙

溫泉行

溫泉泉水沸且清
仙源遙自丹砂生
沐日浴月泛靈液
微波細浪流琮瑤
初經石竇漾暄溜
烈勢直與炎曦爭
潏洄碧澗落花駐
掩映翠巘霜林明
汀迴溪轉入欄檻
甃以文石何澄泓
方壺圓嶠時自暖
紫芝朱草冬常榮

殿啟披香溢石髓盤低承露浮金莖沖融太和蓄元氣
炎德利物功難名氤氲沆瀣結紫霧縹緲雲霞連赤城
高秋九月天颯爽鸞旂鳳節紛相迎

慈寧瑤輦度閭闔絳霄帳殿開蓬瀛神泉淑景供遊賞
流金漱玉堪怡情時巡豈必瑤圃遠對此心意皆和平
華清繡嶺杳寂寞鯨魚鳬雁徒縱橫曷若茲泉獨標異
萬年勝蹟環神京歲時來往護

仙蹕點筆為賦溫泉行

溫泉流杯戲作

曉霜早落滿池清
一氣涓涓愜勝情
偶坐浮杯幾暇日
君臣對景論平生

南苑橋上大風

南苑霜華點翠旗
嚴風臘月斷流澌
已知朔氣催寒盡
橋跨長虹湧溜遲

雪

細玉輕盈下碧霄
和煙飛霰上寒條
片纔落地濺濺濕

羅綺花紋處處飄

景山積雪侍衛下趨如飛

憑高縱遠覽積雪明山峰直下數千尺飛騰跨玉龍

元旦

慈寧宮行禮

太簇初分來萬國融融淑景動青陽
瞳矐翠蓋祥雲覆縹緲蘭宮瑞氣揚
節遇三元開寶曆時逢四始奉霞觴
山呼拜舞臣民樂願頌千年正未央

春

旭日含新淑春光覆滿屋東皇轉歲華融氣雜山谷

上元幸萬善殿戲作

雪霽寒輕景物鮮上元臨幸遇叅禪方丈無人般若靜
天花虛落古松前

收復岳州作

并序

逆賊吳三桂既經天誅之後不數月而岳城恢復良
由三桂背恩倡亂荼毒生靈經年以來死者相望於

道路生者逃竄於四方積尸遍野民不聊生皆朕德之薄不能撫綏之故也今賴

皇天之眷佑

祖宗之威福羣臣盡力將士用命前後恢復閩海兩粵以至湖南岳陽諸處擒斬賊魁殆盡望風歸正不可勝數所餘小醜勢如破竹解吾民之倒懸行有日矣特賦長歌以舒其懷

聿予涼薄莅洪荒遂使巨慝亂天常東南黎庶苦紛擾

幾年戎馬蹂疆場臨軒重簡親藩出軍威萬里風雷疾
肆伐原因討不庭專征大義昭星日卧榻安容有悖狂
太阿豈好弛紀律再勅元臣佩虎符戈矛剗地生寒栗
鐵騎驍騰擁楚雲霓旌閃爍連江漬七澤三湘據衝要
樓船壁壘屯諸軍一時將士盡忿激人人都願成功勲
懸知叛逆衆所惡直須吹氣清妖氛顧此生靈負何罪
流離轉徙多饑餒處處田疇蕪不耕年年桑柘無人採
聞說荒榛遍野廬還傷老弱填江海每念邊陲一撫然

立身天地慙主宰未忍加兵戕我民深宮宵旰勤五載
五載躊躇常恭默會當滅此乃朝食旗捲閩疆甲士降
陣開百粵堅城尅已見懷光伏冥誅更看元濟成俘馘
輦鼓旌旄定岳陽琱戈金鏃清區域指顧能收六詔煙
宣恩早布招徠德書奏傳來慰

兩宮乂安社稷開鴻濛翼翼小心恒敬慎敢忘繼述在
朕躬期與宰司百職事共相砥礪克厥終

恭上

太皇太后萬壽詩二首

和風瑞氣滿簾櫳

慈壽無疆祝上宮
喜得萬方同孝養
千秋福德並蒼穹

其二

透戶卿雲接御香
彤墀新柳拜韶陽

宮中堯舜兼文母
恭捧南山萬壽觴

賜大將軍安親王岳樂二首

大開冊府紀元功
伐罪安民將略雄
佇見天潢蒙上賞

明光高宴賦彤弓

其二

洞庭南嶽盡提封
九伐勲名勒景鐘
眼底窮荒皆赤子
早銷金甲勸三農

賜護軍統領桑格

百戰威名已早揚
頻年秉鉞在巖疆
素知果勇兼韜略
應著弘圖肅鬼方

春夜月

晚來風景麗初晴月色輝
朧朧穿竹樹照耀滿宮幃

題周文矩畫說劍圖

鶯溪尺幅衣冠古貌出蒙莊辯論新
劍客滿前毛髮動須知繪事亦通神

聖祖仁皇帝御製文集卷三十三

欽定四庫全書薈要

聖祖仁皇帝御製文集卷三十四目錄

古今體詩四十首

春日郊行

清明登玉泉山

時巡近郊憫農事有作

鄭州雜詩五首

春日內苑賜宴詩

并序

初夏登樓臨水

夏日同三王慈寧宮請

太皇太后安

夏旱步禱

南郊喜雨

五日泛舟賜內大臣侍衛宴

咏蟬

題蘇軾墨竹

初寒

懋勤殿古榦梅

春曉

春雪

懋勤殿讀尚書至無逸篇有作

春晝二首

景山春望

榴花

咏觀天儀器

鶴

經筵進講周易

秋日出郊觀稼

題張擇端清明上河圖

長至日祀

天園丘有述四章

遠望西山積雪

春盤

端凝殿齋居

賜直隸巡撫于成龍

并序

苑西新柳二首

和唐太宗咏桃花即用原韻

欽定四庫全書

目錄
卷三十四

欽定四庫全書薈要卷一萬三千十六

集部

聖祖仁皇帝御製文集卷三十四

古今體詩四十首

春日郊行

春殿晴雲繞鑾輿出禁闈
桃花臨紫陌柳葉暗青旂
宿雨能清蹕和風早拂衣
馬嘶馳道遠滿地盡芳菲

清明登玉泉山

寒食登高芳草青
泉聲映柳出春亭
心中懷得天然處

坐對沙鷗樂野汀

時巡近郊憫農事有作

芳郊景物麗淑氣扇暮春靈雨應良節光風薄嘉辰省
耕已屆候夙駕方來巡前驅列式道羽衛羅鈎陳時有
田間子荷耒披車塵譏訶勿頻數疾苦當咨詢千耦幸
終畝二鬴猶懸困穠蔭爾勤動痼瘕予隱親賙賜出泉
府拊循屬官臣行潦有挹器列井無枯津所惠良未徧
嗟嗟愧斯人

鄭州雜詩五首

條風鼓擢動清漪
夾岸青青楊柳垂
輕轉牙檣觀易水
波光日影映旌旗

其二

桃花歷落李花開
綠柳含煙傍水隈
鴻雁平沙看不盡
春光曖曖入蓬萊

其三

為省春耕歷灞澧
鑾輿頻止勸農功
柴門掩處煙村靜

碧水長橋落彩虹

其四

陽氣溫和臨樹久
花繁物靜草芊芊
莎添嫩色含波綠
柳覆金堤翠幕連

其五

野水瀾漫處處長
方流涵玉動珠光
風移藻荇波痕潤
千點鷺鷥柳一行

春日內苑賜宴詩

并序

己未三月律應姑洗望日之吉賜內閣大臣及侍衛
宴於內苑時乃玩花於絳雪玉樹含風浮杯於西齋
金池漾月因題四韻以示諸臣

春深內苑裏珍席宴羣臣蝶向雙檐舞花飛複閣新和
羹期上佐調鼎協洪鈞簫鼓歡無極芳年醉此辰

初夏登樓臨水

澄潭徹底開心鏡柳絮輕飛近玉樓處處晴花風拂起
鶯啼四月繞芳洲

夏日同三王慈寧宮請

太皇太后安

九天旭日照銅龍朝罷從容侍

上宮花萼聯翩方晝永晨昏常與問安同

夏旱步禱

南郊喜雨

歷春憫農勞首夏望嘉穀離畢月故遲密雲去何速顯
穹闕膏澤及此祈年夙齋居承穆清中夜起自肅繁星

麗赤霄雲漢光自煜雞鳴開重闥輿馬輟華轂步禱升
郊壇祠官啓太祝是時甘澍零霑潤及拜伏空濛迫閭
闔噴薄驅海瀆屏翳灑道迴滲漉足裳服麥隴應秀色
重穎欲在目願惟歌屢豐餘粟棲比屋

五日泛舟賜內大臣侍衛宴

錫宴公卿禮數隆浴蘭令節泛翔鴻波開舟楫迎仙仗
岸轉旌旗驟玉驄積翠香蒲經宿雨輕煙寶幄散薰風
臣民共樂昇平日暢飲何論灞滄雄

咏蟬

飲露當涼夜吟風向晚晴乍移深樹影又聽別枝聲與
物心無競離塵翼最輕秋懷聊寄咏愛爾獨能清

題蘇軾墨竹

徑尺篔簹墨淺深雪堂健筆勢千尋縱饒凝露春梢色
不比凌霜挺節心

初寒

灑雪凝霜正渺漫曉來朔色滿林巒何當吹遍鄒陽律

盡却人間黍谷寒

懋勤殿古榦梅

宮梅先發上林枝
淡白含芳窈窕姿
若待春風吹律暖
影隨朝日樂雍熙

春曉

夜短正宜眠
又聞天色曉
臨門親政務
宜厭事多少

春雪

三冬望雪意殷殷
積素春來亂玉紋
農事東疇堪播植

勤民方不愧為君

懋勤殿讀尚書至無逸篇有作

元化幹四運淑景催芳年
乾乾總萬幾寸陰惜屢遷
緜几散瑤帙阿閣颺鑪煙
澄懷求至理孔壁存遺編
公旦訓無逸則古多所宣
言念小民依田功稼穡先
天命良匪易敬德省厥愆
法戒備近王炯炯斧宸前
寤寐思古人千禩精意傳
端居不遑暇三復期勉旃

春晝二首

夜池水泮後阿閣燕來初
晝轉銅壺漏春添玉案書
晴絲煙乍捲花霧綺還舒
萬象生成意欣欣各自如

其二

亭午朝初暇方春候轉佳
惠風來上巳遲日麗中街
鶯語頻遷樹花陰半映階
所期凝庶績永使萬邦懷

景山春望

雲霄千尺倚丹丘輦下山河一望收
鳳翥中天連紫闕
龍蟠北極壯皇州
煙生沆瀣春初麗
露濕芙蓉翠欲流

却向閭閻看部屋崇高還厯廟堂憂

榴花

未結千房實先開五月花紅綃簾戶下疑似漢時槎

咏觀天儀器

乾象極高遠孰者為網維惟此貞恒理可以揆測知靈
臺有儀器云自古聖貽偃蓋金粲粲飾體珠離離橫玉
筦其中激水相推移內挈黃赤道外互南北垂紫宸凝
不動列曜如峙碁制作侔造化法撰窮神奇昔在有虞

氏以命和與義七政順其軌庶績咸用熙後來代有述
神明夫前規日官比申命欽哉重人時惟幾恒自勅曰
旦凜在茲五緯協位序燠寒無僭差永言答靈眷長與
休禎期

鶴

夜警三霄露秋凌萬里雲立同薛稷畫舞憶鮑昭文

經筵進講周易

桂宮仙仗啓蘭殿講筵開朝士鳴珂集詞臣執簡來天

苞宣一畫人極位三才待扶義文秘美牆日幾回

秋日出郊觀稼

秋氣日寥迴萬象皆蒼蒼朝曦被渥露草木含晶光西
成方屆候農事將築塲於焉省斂穫令典重百王輕軒
屏前置夙駕無嚴裝郊原一以眺煙樹紛成行微風散
深樾清流抱迴塘土脉秀且沃篝車鬱相望新鎌粲如
月刈此溪雲黃捃拾復何幸遺秉滿道旁鳥雀互翔集
婦子咸悅康行將吹簞籥報爾千斯箱眷言三時勤艱

難詎可忘茫茫視九壤豈盡歌豐穰二鬴苟不充予饑
怒如傷幸茲樂有年時若雨與暘勗哉慎所麗田功庶
無荒

題張擇端清明上河圖

天津橋下水粼粼柳外盤舟夾畫輪想見汴京全盛日
春遊多少太平人

長至日記

天園丘有述四章

於穆天緯鑒觀惟赫播物無私佑于有德

高皇受命膺符闡繹不顯

太宗廓圖登績眷我

皇考九圍是式克享

天心立民之極

一章

洪惟景運集於渺躬南諧北變君茲萬邦夙夜敬止恒
惕于衷母曰高高聽卑則聰母曰盱盱視遠斯通罔敢

逸豫昭事必恭

二章

是月仲冬維日長至爰啓

泰壇肅將禋祀濟濟奉璋羣工在位牲玉既陳籥舞乃
備對越有虔百神攸暨雲旂揚揚華星哲哲

三章

乃辨雲物載觀載書乃占豐年多黍多稌南陸曜采道
我歸輿芸香始生景長以舒初陽來復相協厥居垂象
是則奉若不渝

四章

遠望西山積雪

積雪西山秀仙峯玉樹林凍雲添暮色寒日淡遙岑

春盤

小摘園中露新香
糝作羹歲和欣有兆
甘菜已春生

端寧殿齋居

肅肅羣籟屏裊裊
鑪煙舒詆日躬禋祀
濯被臨齋居輝輝
閣西日流影照綺
疏坐久微風來冷
然吹衣裾霽心
觀萬象默見天地
初感神在至誠寧
俟灌鬯餘

賜直隸巡撫于成龍

并序

直隸巡撫于成龍秉性惇樸廉介夙聞朕心嘉賴俾

典節鉞保釐畿輔惟能激濁揚清始終如一清潔之
操白首彌厲真國家之可重人所不能也茲來陛見
爰賜以詩用示敦勵之義且以風有位焉

自昔崇廉治勤思吏道澄郊圻王化始鎖鑰重臣膺政
績聞留犢風期素飲冰勗哉貞晚節褒命日欽承

苑西新柳二首

岸草青回太液池春來又見柳垂絲東風小苑三眠後
最愛驚黃蘸水枝


其二

輕煙漠漠柳青青
半拂虹橋半水亭
啼鳥數聲春晝永
博山香裊隔簾聽

和唐太宗咏桃花即用原韻

苑裏韶華滿
春工試綺裝
霞輕籠樹影
日暖散林光
倚檻千叢錦
開簾百和香
東風自駘宕
長護萬年芳

聖祖仁皇御製文集卷三十四



總校官庶吉士臣侍朝

校對官庶吉士臣陳墉

謄錄監生臣孔廣枚

欽定四庫全書薈要

集部

聖祖仁皇帝御製文集卷三十

五至
七

詳校官原任編修臣徐立綱



欽定四庫全書薈要

聖祖仁皇帝御製文集卷三十五目錄

古今體詩二十一首

潞河三首

巡幸出喜峰口過黃土巖

大石磯

塞上宴諸藩

入喜峰口



野望

夏日迎薰亭

午日

潭柘寺

戒壇臥松

早秋新霽

夜坐

瀛臺

天津

通惠河閱運艘

滇平

宮門聽政示閣部諸臣

昇平嘉宴同羣臣賦詩用柏梁體

并序

元夜與諸王宴飲乾清宮

欽定四庫全書薈要卷一萬三千十七

集部

聖祖仁皇帝御製文集卷三十五

古今體詩二十一首

潞河三首

潏灩春波散碧漪
白蘋初葉麥初岐
潞河三月桃花水
正是乘舟薦鮓時

其二

畫鷁中流起櫂歌
參差荇藻漾晴波
澤梁雖設曾無禁

斜日魚罾兩岸多

其三

東風吹雨曉來晴
春水高低五牕聲
蘭槳乍移明鏡裏
綠楊深處坐聞鶯

巡幸出喜峰口過黃土巖

紫塞雙崖出丹梯
百尺懸草香遮細路
樹老臥晴煙地
爲時巡到山當隘
口偏何年留石室
駐馬望層巔

大石磯

石磯

遠近峰迴合潺湲澗淺深一磯橫大石萬騎出層林蒙
密巖花發縣蠻谷鳥音龍堆塵不到憑眺足娛心

塞上宴諸藩

龍沙張宴塞雲收帳外連營散酒籌萬里車書皆屬國
一時劍珮列通侯天高大漠圍青嶂日午微風動綵旂
聲教無私疆域遠省方隨處示懷柔

入喜峰口

一道鳴鑾度三驅振旅還莓苔天半石松栝雨中山險

設關門壯時清堠火間

孝陵佳氣近縹緲翠微間

野望

嶺外茅茨小林端煙火遲田家耕鑿意一一九重知

夏日迎薰亭

苑啓時初夏亭陰午未闌雨過池藻碧日綻海榴丹
木含清景禽魚得靜觀薰風能解愠試取玉琴彈

午日

令序當重午南臺日正中玉階鳴瀑水瑤軫奏薰風
葉浮杯綠榴花照檻紅臨流看競渡轉憶濟川功

夏日潭柘寺

微雲綴岡嶺細路揚前旌磴轉松門開漸覺沙界平潭
湮石甃露柘古苔紋生一徑得疎豁層軒面崢嶸愛此
戶外泉俯視涓涓清修篁挺蒼翠其下流交橫斐然淇
澳思宛爾渭濱情嶰谷有遺響簫韶驚鳳聲

戒壇臥松

倉松臥如龍蜿蜒鱗鬣古膚寸起山雲用汝作霖雨

早秋新霽

卷幙過新雨披襟納好風餘霞明遠岫倒景射晴虹稼穡豐年足乾坤爽氣同高天雲斷處歷歷見初鴻

夜坐

靄靄燕寢夕遲遲清漏催綈裘盈棊几次第中宵開華月影帷燭涼颼韻宮槐玉杯露方浥金鑪麝初煤坐覺秋氣肅斗柄西南回晨光尚未啓已有鸞聲來

瀛臺

紅闌橋轉白蘋灣
疊石參差積翠間
畫舸分流簾下水
秋花倒影鏡中山
風微瑤島歸雲近
日落清霄舞鶴還
乘興欲成蘭沼詠
偶從機務得餘閒

天津

轉粟排千艦
分流納九河
潮聲連海壯
樹色入京多
鼓楫魚龍伏
停帆鸛鶴過
津門秋望遠
明月湧金波

通惠河閘運艘

千檣爭溯白蘋風飛輓東南澤國同已見靈長資水德
也應辛苦念田功

滇平

洱海昆池道路難捷書夜半到長安未矜干羽三苗格
乍喜征輸六詔寬天末遠收金馬隘軍中新解鐵衣寒
回思幾載焦勞意此日方同萬國歡

宮門聽政示閣部諸臣

中書天下本六官庶僚首絲綸委寄隆分職慎所守上

相列天階喉舌莞北斗乾象方昭垂古來詎虛授軒皇
置六相姬文擇四友得人邦乃昌此事諒非偶曰予既
寡昧歛然謝哲后聽政日不遑望道遠何有啓沃藉臣
鄰匡贊資左右雖云際昇平民物豈康阜圖終貴謹始
治安莫予徇廣業惟克勤勵精期永久作詩以相勗敬
哉庶無負

昇平嘉宴同羣臣賦詩用柏梁體

并序

朕於宣政聽覽之餘講貫經義歷觀史冊於書見元

首股肱賡颺喜起之盛於詩見鹿鳴天保諸篇未嘗
不慕古之君臣一德一心相悅若斯之隆也今際海
內宴安兵革偃息首春令序九陌燈輝豐穰有徵吾
民咸樂思與諸臣欣時式燕爰於乾清宮廣集簪裾
肆筵授几斯時也蟾光鰲炬焜耀堂廉綵樹瓊葩離
羅樽俎許笑言之勿禁寬儀法之不糾復令次登文
陛渥以金壘咸俾有三爵油油之色焉易曰上下交
則志同傳曰享以訓恭儉宴以示慈惠則今日之祀

觥旨酒豈徒以飲食燕樂云爾哉顧瞻諸臣或位居
諧弼或職任卿尹或典文翰或司獻納宜共成篇什
以紹雅頌之音朕發端首倡倣柏梁體班聯遞賡用
昭昇平盛事冀垂不朽云康熙二十一年正月十四
日

麗日和風被萬方

御製

卿雲爛熳彌紫闔

內閣大學士
臣勒德洪

一堂喜起歌明

良

內閣大學士
臣明珠

止戈化洽民物昌

內閣大學士
臣李蔚

蓼蕭

燕譽

聖恩長

內閣大學士臣馮溥

天心昭格時雨暘

吏部尚書臣黃機

豐亨有兆祝千箱

戶部尚書臣梁清標

禮樂文章仰

聖皇

禮部尚書臣吳正治

廟謨指授靖八荒

兵部尚書臣宋德宜

春

回丹詔罷析楊

刑部尚書臣魏象樞

河清海晏禹績彰

工部

尚書臣朱之弼

百度胥飭綱紀張

都察院左都御史臣徐元文

千官

濟濟盈巖廊

吏部左侍郎臣張士甄

天工無曠勤贊襄

吏部

右侍郎臣楊永寧

有年歌協臣所望

戶部左侍郎臣李天馥

共期

紅朽答殊常

戶部右侍郎
臣李仙根

轉漕億萬充天倉

戶部

倉場侍郎
臣馬汝驥

邦禮叨贊慙趨蹌

禮部左侍郎
臣楊正中

職司

寅清佐垂裳

禮部右侍郎
臣富鴻基

天河洗甲通蠻鄉

兵部

左侍郎
臣焦毓瑞

皇威四暢咸來王

兵部右侍郎
臣陳一炳

祇承欽恤和氣

翔

刑部左侍郎
臣杜臻

刑措不用民壽康

刑部右侍郎
臣葉方藹

八

材庀化師爰旌

工部左侍郎
臣趙璟

右平左城開明堂

工部

右侍郎
臣金鼎

仰窺神策驅天狼

內閣學士
臣李光地

膏以大澤

人胥慶

內閣學士
臣張玉書

帝庸作歌追虞唐

翰林院掌院學士
臣陳廷敬

身依雲漢賡

天章

翰林院學士
臣張英

恪秉訓厲敦羔羊

都察院左副都御史臣宋

文奉宣仁風之吳疆

巡撫江寧右副都御史臣余國柱

九閭誅

蕩瞻龍光

通政使司通政使臣王盛唐

斗杓高掩貫索芒

大理

寺卿臣張雲翼

圖列養正親羹牆

詹事府詹事臣沈荃

黃鍾大鏞

諧禎祥

太常寺卿臣崔澄

郊衢擊壤歡豐穰

順天府府尹臣熊一

滿

大官珍膳羅酒漿

光祿寺卿臣馬世濟

調閑六御騰康

莊

大僕寺卿
臣張可前

忝預風紀凜清霜

都察院僉都御
史臣張吉午

出入玉珮聲鏘鏘

通政使司左
通政臣崔官

納言惟允尚職

詳

通政使司右
通政臣吳琬

褒忠勵節感賜觴

通政使司右
通政臣陳汝

器

園扉闌寂春草芳

大理寺少卿
臣榮國祚

拜手好生頌

禹湯

大理寺少卿
臣徐旭齡

前星令望欽顯印

詹事府少
詹事臣王

澤宏終始念典用斯臧

詹事府少詹
事臣崔蔚林

言模行範輝

縹緗

翰林院侍讀學
士臣蔣宏道

猗歟至德日就將

翰林院
侍讀學

士臣胡
簡敬

叨塵侍從恩莫量

翰林院侍讀學
士臣朱之佐

靖共

夙夜無怠遑

翰林院侍講學士臣嚴我斯

梧桐生矣于高岡

翰林院侍講學士臣孫在豐

紬書東觀翰墨香

翰林院侍講學士臣盧琦

三德六行爲士坊

國子監祭酒臣王士禎

宮官備位滋悚

惶

右春坊右庶子臣祖文謨

六經義叶如笙簧

翰林院侍講臣朱典奎

文煥若森琳琅

翰林院侍讀臣王封藻

朝朝橐筆侍御牀

翰林院侍講臣董訥紀載

聖治金匱藏

翰林院侍講臣王鴻緒

頻年宣室虛對揚

翰林

院侍講臣高士奇

宸篇挾藻燭昊蒼

翰林院侍講臣郭棻

承華毓

德成圭璋

左春坊左諭
德臣陳論

青宮琪樹棲鸞凰

右春坊右

諭德臣
朱世熙

金輿導從驂雲驤

司經局洗馬
臣田喜霖

果愚流

影耀璧璫

通政使司左參議
臣趙士麟

仁波溟渤同濊汪

通政

使司左參議
臣趙之鼎

鸞旂乘春零露灑

通政使司右參議臣張鵬

爰

賡天保矢勿忘

通政使司右參議臣鄭重

八表同軌來梯航

大理寺寺丞
臣徐誥武

雲門磬管聲嚶嚶

右春坊右中允臣吳珂鳴

泰

交天闕開春陽

左春坊左中允臣李錄予

惟睿作聖金玉相

右春坊右中允臣鄭聞極

珥筆何幸日月傍

左春坊左贊善臣徐乾學瑞

逾寶鼎兼芝房

左春坊左贊善臣鄭之謚

堯樽夜醉星低昂

右春坊右贊善臣沈上墉

在廷悅豫和宮商

右春坊右贊善臣王尹方

濫

典樂正董上庠

國子監司業臣劉芳詒

治登三五休聲颺

翰林院修撰臣歸允肅

睿謨典誥同洋洋

翰林院編修臣王頊齡

記

神聖功臣職當

翰林院編修臣曹禾

琅函瑤版書焜煌

翰林

院檢討臣潘耒

石渠高議芟秕糠

翰林院檢討臣嚴繩孫

日侍清

禁研鉛黃

翰林院編修臣杜訥

願言直節謹自防

吏科掌印給事

中臣王承祖

帝心勤民重農桑

戶科掌印給事中臣王曰溫

具舉細目恢

弘綱

禮科掌印給事中臣李迥

誕敷文德四國匡

兵科掌印給事中臣

劉沛

嘉禾既殖鋤莠稂

刑科掌印給事中臣姚締虞

屈軼朱

草紛兩廂

掌河南道御史臣唐朝昇

封章問夜檢阜囊

掌江

御史臣

擬將勁操堅蒼筤

掌浙江道御史臣李見龍

朝無闕

事聯班行

掌山西道御史臣郭維藩

千門燎火宵未央

掌山東道

御史臣

昇平高宴邁柏梁

掌陝西道御史臣衛執蒲

元夜與諸王宴飲乾清宮

今夕丹帷宴聯翩集懿親傳柑宜令節行葦樂芳春香
泛紅螺重光搖絳蠟新不須歌湛露明月足留人

聖祖仁皇帝御製文集卷三十五

欽定四庫全書會要

聖祖仁皇帝御製文集卷三十六目錄

古今體詩三十八首

東巡二首

并序

玉田

駐蹕豐潤城西

夷齊廟

并序

灤河泛舟

經永平城南

撫寧

山海關

并序

蒙恬所築長城

姜女祠

曉過寧遠

行殿夜覽章奏

呂翁山是

聖祖太宗文皇帝擒洪承疇處

松山

杏山晚眺

憩小凌河

錦州道上

駐蹕大凌河

途次逢寒食

十三山

過廣寧望醫巫閭山

渡句驪河

過永安橋口占

盛京遣使請

太皇太后

皇太后起居夜書奏疏畢偶成

三月初六日告祭

福陵恭述十韻

初八日告祭

昭陵恭述十二韻

盛京舊宮

告祀禮成宴諸臣於舊宮

三月十一日雪中詣

永陵告祭

薩爾訥

并序

柳條邊望月

望祀長白山

松花江放船歌

江中雨望

經葉赫廢城

鐵嶺

雜詠

欽定四庫全書薈要卷一萬三千十八集部

聖祖仁皇帝御製文集卷三十六

古今體詩三十八首

東巡二首

并序

八年征動喜見澄平緬想

祖宗功德禮宜躬謁

陵廟以告成功爰於二月十五日命駕東巡是日天氣
晴和微風動旆從者溢路觀者夾途顧瞻遠邇莫不

懽躍賦詩二首

昆池不習戰寰宇已銷兵鴻業承非易膚功久乃成威
靈昭

祖德展謁慰羣情迢遞關山路寧辭千里行

其二

順動因時豫東風引翠旗鳴鑾萬騎出執事百僚隨日
暖草初茁煙輕柳未絲春光無限好應有上陵詩

玉田

徐無山水涓涓幾道橫流灌玉田驅犢荷鋤農事作
五風十雨卜豐年

駐蹕豐潤城西

旌門鐃吹發雲璈行漏聲傳帳殿高欲向山頭望明月

豐潤縣有明月山恐驚霄漢避龍鑣

夷齊廟 并序

永平府治西古孤竹城夷齊廟在焉灤水經其前清
風臺峙其後倚巖俯流足以登眺夫夷齊孤竹君之

二子也能讓侯封不食周粟採薇首陽山獨行其志
孟子以聖之清稱之蓋人惟能立節自可垂名夷齊
之去國潔身不求人知而廟貌千古迄今猶存吁造
詣其可忽乎哉

灤河水清駛荒山屹然峙上有孤竹城亂石半傾圯堂
廡既具觀廟貌亦儼爾緬惟商代末天下漸披靡茲地
實藩封人民差可恃兄弟以義讓富貴如敝屣叩馬諫
周王數語昭青史遯跡首陽山薇蕨何其美萬載挹高

風頑懦聞之起蒼蒼臺下松湯湯臺前水勁節與澄流
不媿相比擬停鑾碧山阿懷古未能已

灤河泛舟

平沙漠漠接長河天際浮雲落照多兩岸蒼山相竦峙
扁舟一櫂任清波

經永平城南

三代幽偏地秦時右北平川原縣大陸形勝借堅城晴
日初迎輦春風暗拂旌龍山遙入目縹緲白雲橫

撫寧

輦路平鋪孤嶼東日華升處海雲紅
忽聽百舌春啼巧盡在蒼條古木中

山海關

并序

連山據海地固金湯明時倚爲險要設重鎮以守之
我朝定鼎燕京垂四十年關門不閉既非設險還慙
恃德偶賦數言聊以紀事

重關稱第一扼險倚雄邊地勢長城接天空滄海連戍

歌終歲苦插羽不時傳作鎮隆三輔征輸困百年
霜寒龍塞月甲冷雉樓煙歷數歸皇極綱維秉化權
漫勞嚴鎖鑰空自結山川在德誠非易臨風更慨然

蒙恬所築長城

萬里經營到海涯紛紛調發逐浮誇當時用盡生民力
天下何曾屬爾家

姜女祠

朝朝海上望夫還留得荒祠半仞山多少征人埋白骨

獨將大節說紅顏

曉過寧遠

孤城臨巨野舊烈憶西征
破壘荆榛滿邨雞向曉鳴

行殿夜覽章奏

飛遞傳來奏牘多
旌門莫問夜如何
銀燈毳幕春寒重
恐是陰陽尚失和

呂翁山是

聖祖太宗文皇帝擒洪承疇處

旌旗直捲陣雲沈
濠塹遺蹤尚可尋
十萬健兒皆解甲
一時大帥此成禽
民情效順當年事
王業維艱
聖祖心遂使關西如破竹
至今戰氣晝陰森

松山

鳴笳伐鼓速兵機
百勝謀成夜合圍
月黑風高神鬼泣
金戈白馬識天威

杏山晚眺

野日荒荒蔓草平
孤村鷄犬寂無聲
山中獵罷殘陽晚

時見高原夜燒明

憇小凌河

河水流不息晝夜去涓涓昔爲征戰地今是豫遊年駐
馬孤岑外移舟古岸前殘陽下新柳約略見春妍

錦州道上

野徑臨官驛炊煙出杳冥地連榆塞紫山列錦屏青城
郭知何處旌旄只暫停版圖歸大業烽火罷林垌

駐蹕大凌河

歸騎雲屯向晚過昇平笳吹動鐃歌光搖幕火繁星燦
影暗旗風野霧多兵氣已銷沙石所軍聲猶壯大凌河
豐京老將還能說曾記前途自倒戈

途次逢寒食

何處來春風澹蕩開晴旭不見杏花紅纔逢柳梢綠

十三山

迤邐峰連大道間憑空青削十三山敵樓人散堠臺廢
終日茸茸草色閒

過廣寧望醫巫閭山

名山插霄漢，朶朶青芙蓉。連亘數十里，隱現千百重。迢遙不可極，黛色堆奇峰。窈窕復崿嶸，鬱鬱多蒼松。中有桃花洞，杳靄常雲封。萬古鎮幽州，秩祀同岱宗。盼望生引領，瞻顧停六龍。何時一登覽，盪滌疏心胷。

渡句驪河

野岸春蕪發，青蔥一色齊。皇輿連近遠，地軸別東西。日送霓旌影，風催駿馬蹄。山河縣帶礪，回首重低迷。

過永安橋口占

夾路飛塵宿雨消十年曾此駐龍鑣
春風城闕知非遠幾處輕寒變柳條

盛京遣使請

太皇太后

皇太后起居夜書奏疏畢偶成

雲山遙隔萬安宮定省心懸午夜中
孺慕經時書不盡微誠憑仗與東風

三月初六日告祭

福陵恭述十韻

瑞靄鍾靈闕晴煙繞閔宮萬山皆拱北百水盡洄東
夭矯盤峰秀紆迴磴道通俯看環衆象遥睇極高崇
松柏丸丸直岡巒面面同恢弘思

祖烈建樹本神功戰術無前略謨謀啓後衷揮蛇曾握
劍定鼎有遺弓展禮威儀整申誠俎豆豐車書叨繼統
藐爾媿微躬

初八日告祭

昭陵恭述十二韻

盛德兼三代威名定四方
文謨真顯赫武烈實飛揚
包并收羣國虛謙集衆長
網羅來俊彥締造闢洪荒
卜世周垂厯開基漢啟疆
靈山佳氣迴

寢廟瑞雲張曠遠臨平陸
幽深逼上蒼汗嘗趨石馬
歌欲奏芝房洱海銷兵戰
炎陬絕叛狂功成昭默佑
告祀肅誠將微念通層構
含情望兩廂千官遵大典
進退盡

鏘鏘

盛京舊宮

雙懸鳳闕隱金鋪想見龍飛握瑞符
殿列丹霄崇大政宮開紫極接神區
君臣際會風雲日版籍留存山海圖
堂構有懷追往事土階儉樸示規模

告祀禮成宴諸臣於舊宮

闔闔門開玉座春金支徧插綺筵新
鏘鏘劒珮千官集曼衍魚龍百戲陳
功定舞干歌靖亂恩留過沛樂同民

大風猛士何煩憶仗下班聯絳灌臣

三月十一日雪中詣

永陵告祭

峰巒疊疊水層層王氣氤氲護

永陵蟠伏諸山成虎踞飛騫衆壑佐龍騰雲封草木橋
園古雪擁松楸輦路升一自遷岐基盛業深思遺緒媿
難承

薩爾許并序

太祖高皇帝嘗駐師於此以五百人破明四路兵數十萬衆殲杜松於鐵背山遂有遼東實

帝業之所由基也

城成龍躍竦重霄黃鉞麾時早定遼鐵背山

一名注
韓木

前

酣戰罷橫行萬里迅飛颺

柳條邊望月

雨過高天霽晚虹關山迢遞月明中
春風寂寂吹楊柳
搖曳寒光度遠空

望祀長白山

名山鍾靈秀二水發真源翠靄籠天窟紅雲擁地根千
秋佳兆啟一代典儀尊翹首瞻晴昊岵嶢逼帝閭

松花江放船歌

松花江江水清夜來雨過春濤生浪花疊錦繡縠明綵
帆畫鷁隨風輕簫韶小奏中流鳴蒼巖翠壁兩岸橫浮
雲耀日何晶晶乘流直下蛟龍驚連檣接艦屯江城貔
貅健甲皆銳精旌旄映水翻朱纓我來問俗非觀兵松

花江江水清浩浩瀚瀚衝波行雲霞萬里開澄泓

江中雨望

煙雨連江勢最奇漫天霧黑影迷離掀翻波浪三千尺
疑是蛟龍出沒時

經葉赫廢城

斷壘生新草空城尚野花翠華今日幸谷口動鳴笳

鐵嶺

雨餘塞草自綠日出山花更紅轍跡神州近遠驥鳴廣

陌西東

雜詠

古戍行來日落孤邨坐對月明漠漠龍沙千里桓桓虎
衛三更

聖祖仁皇帝御製文集卷三十六